

十朝东华录

咸丰朝

第十册

函九册

咸豐東華錄九十八

臣王先謙敬編 臣陶澐宣恭校

咸豐十一年辛酉春正月庚寅朔 上詣 綏成殿行禮 御濟泊誠敬殿受賀 御勤政殿賜近支親藩宴○辛卯諭內閣朕於

二月十三日回鑾○壬辰諭內閣朕於三月初二日啟蹕恭謁 東陵禮成後駐蹕避暑山莊所有應行事宜著各該衙門敬謹豫

備○諭軍機大臣等臂燠奏英國領事爭辦賠款並阻撓稅捐各等語業經諭知該領事曉諭安辦矣賠補一項據英國領

事密迪樂稱普魯斯來文係於上海關總收數內各扣賠項二成除洋商接貨完稅外尚有外國商船所完船鈔及海關所收罰充

入官等款亦應一併覈扣又上海新定洋藥納稅章程密迪樂稱洋商已完上海進口稅斷不能重收華商稅捐其和販洋藥寓居

洋涇濱之路增美一犯該公使並不准查拏於稅捐殊多掣肘見在各國通商章程甫定彼此均應循照定章方能允協恭親王原

咨但指納稅清單並無船鈔罰款字樣該領事欲照總數覈扣著恭親王奕訢等即照會普魯斯告以既於關稅內交還二成即不

應加扣船鈔罰款兩項况船鈔係充浮椿號船塔表望樓等項經費罰款係隨案充賞並不收庫均無從追回覈扣並令其通飭各

口領事官一體遵照至洋商進口華商出口所納洋藥之稅兩不相礙該領事總以徵收華商之稅礙及洋商貿易論辭煥安為辦

理並著奕訢等隨時留心體普魯斯轉據密迪樂之言有所陳瀆即據理辯論並將私販之犯令其交出以杜欺蒙原片著鈔給閱

看○予江西被戕州同喻時和祭葬世職○癸巳 上御萬樹園大幄次賜蒙古王貝勒貝子公台吉等宴○諭內閣朕於二月二

十五日臨御經筵所有應行典禮著各該衙門敬謹豫備○甲午諭軍機大臣等本日據景淳等奏密陳俄國分界各情並繪圖貼

說呈覽新定俄國條約內載明遇有中國人往之處及漁獵之地俄國均不得侵占著奕訢等即酌擬照會二件一照會俄國總理

各國事務大臣告以見派大臣查勘地界俄國之人應俟勘明地界之後方可居住不得先行占踞致該處屯戶驚疑一作為成琦

之意照會東海濱省固畢爾那托爾亦屬其俟該侍郎與景淳勘明理春地界方可俄人居住總須遵照條約方為妥善原摺著鈔

給閱看○乙未諭內閣總理各國事務衙門挑取滿漢章京前經降旨毋庸再兼軍機處行走嗣據恭親王奕訢等奏請在額外行

走專管交涉事件復諭令再行妥議茲據酌定章程具奏著照所請所有滿漢軍機章京每班挑取各四員在總理衙門額外行走

仍照常任事在軍機處值班毋庸常川到署○曾國藩奏自金壇甯國縣陷後南陵一邑孤懸城中總兵陳大富力守危城糧盡援絕墊

難久全 鑒於金壇被害之慘恐南陵軍民又遭屠戮於上年疊次密飭陳大富由間道衝出並咨商提 楊載福派師船至江濱

接應九丹積雨江漲小港皆可行舟楊載福定計潛師往援親督礮船進次縱陽探聞南陵城外賊壘密布惟北門一港可達魯港

承程約計百里而近城一帶賊復夾港築壘僅餘一綫之路當就縱陽調出千總尹昌景等各領陸兵與礮船相輔而行十月初二

日師至魯港派總兵李成謀等扼紫港口使無潮之賊不得截我出路初三日進港見沿途水面狹隘恐賊乘我之後復派參將楊

占庵等領兵步步為營初四日水陸並進港左守壘之賊遂擁出撲副將丁泗濱等率師奮擊斃賊多名焚燬各壘尹昌景等領隊

直攻港右衝入賊陣逆眾敗潰其另股賊匪乘勢橫鈔副將李朝斌領師船開礮轟擊賊稍退卻尹昌景等併力衝殺賊盡披靡遂將港右十數壘全行焚燬陳大富知北路援師已至乘勝將東南西三門賊壘一律掃平追殺十餘里斃賊無數立解南陵城圍陳大富猶思趕緊繕完力圖守禦楊載福以水師既難留駐該逆必將復至孤軍久守終成坐困因勸陳大富拔出全軍同赴上游初五日督隊徐行百姓從者十餘萬眾僞忠王李秀城率賊黨數千賊划百餘在小河及石碗地方意圖截我歸路經楊占鼐等竭力堵禦楊載福復添派親兵助勦將賊擊退水陸軍民始得出港二十五日抵黃石磯十二月初三日安插軍民於東流縣城安籌周恤查楊載福此次出奇制勝保全甚眾足以作士氣而固人心可否籲懇 天恩賞賚物件以示旌異出力將弁可否由該提臣擇尤保奏均出自 聖主鴻慈 上諭安徽南陵縣城久被賊眾圍困總兵陳大富竭力守禦待援孔亟提督楊載福統帶水陸各軍由北門外之魯港進兵將賊壘全行焚燬陳大富乘勢將東南西三門賊壘一律掃平拔出南陵全軍保護百姓十餘萬人安爲安輯楊載福出奇制勝調度有方深堪嘉尚著發去大荷包一對小荷包四箇白玉搬指一箇白玉翎管一枝小刀一把交該提督祇領其餘出力將弁並著該提督擇尤保奏候朕施恩○曾國藩奏江西自上年賊犯建德普承堯一軍潰退賊卽長驅深入連陷六縣而官軍與賊必爭之地莫如湖口與景德鎮景德有左宗棠一軍駐紮湖口則並無陸兵僅有都司丁義方水師駐防 於建德失守後卽派遣道員吳坤修帶團防營千餘人馳赴湖口防守道員彭玉麟復派副將成發翔馳往會同守禦並親由黃石磯赴援十一月初九日寶營潰勇逃至湖口成發翔等擇畱精壯五百人分布城頭駐守吳坤修團防營亦於是日趕到沿途爲賊所截把總李達貴六品軍功吳脩霖力戰陣亡營官景星熊烜煌督率所部入城當令寶營團防營陸師駐守東南兩門以防山城成發翔丁義方自率水師駐守西北兩門以防水城十二日賊自彭澤率大股上竄湖口屯踞離城十五里之馬影橋十三日賊眾萬餘分四股直撲各門我軍併力擊退旋復昇長梯而至其東西南三股先進對城開槍子密如雨繼以木梯蠶擁爬城城上礮石齊下迄不稍退丁義方見賊勢兇悍率哨官張三元等帶水勇登陴助戰熊烜煌等往來擊殺自申至酉齊力抵禦而城南適有缺口起修未成悍賊數名冒死登城經千總江必勝砍倒並以大桶火藥擲轟城下斃賊無數賊始退去我軍開城追殺百餘人奪獲木梯二百餘架賊仍退踞三里街馬影橋等處十四日諜知賊於村莊搜覓樓梯欲乘風雨夜半爬城彭玉麟飭令該開亮選帶十餘人潛出偵伺遇賊負梯送三里街奪獲多件是夜風雨益甚咫尺莫辨彭玉麟在城垣督飭各營分投梭巡見四山僻徑隱隱火光自遠而近各營哨冒雨立垛口靜以待動守至天明派勇縋城哨探則三里街及馬影橋已無賊蹤詢之民人言該匪環伺無隙可乘至五鼓向都昌大路竄去彭玉麟防其回竄函商總兵陳大富由東流抽撥千五百人協同吳坤修駐守並探知另股賊匪已陷都昌當派成發翔戰船二十一號赴援十五日趕至都昌排礮轟擊城賊不敵我軍乘勝登岸由大南門追至城根賊眾慌亂開東北門而竄立將都昌縣城克復查廣東惠潮嘉道彭玉麟力捍危城維持大局洵屬調度有方副將成發翔樸實果敢都司丁義方鑒

總過人部署迅速均應先行開列懇恩獎賜陣亡把總李逢貴軍功吳脩森均請飭部照把總例從優議卹其餘在事出力將弁可否准擇尤保獎出自 聖主鴻施 上諭廣東惠潮嘉道彭玉麟赴援湖口數日之間將大股悍賊擊敗力保危城並派兵克復

都昌縣城而屬調度有方著交軍機處記名遇有按察使缺出題奏副將成發邦著賞給協勇巴圖魯名號都司丁義方著以參將補用並著加副將銜陣亡把總李逢貴軍功吳脩森著交部照把總陣亡例從優議卹其餘在事出力將弁著交部酌量擇尤保奏候

朕施恩○諭軍機大臣等田在田奏捻匪圍撲碭城即時擊退並分布堵剿一摺據稱賊由河南夏邑縣之韓道口竄至碭山黨與數萬圍繞縣城經該縣勇練擊退並擊獲匪黨趙虎訊知該逆五旗並出欲到碭山盤踞抗拒官兵另股竄逆由滄南向東竄踞經

集圩寨欲由懷定一帶接引張龔兩逆併拒北路又伊興額見招馬勇徐宿前敵等營均已併歸伊興額營等語捻匪招集黨與欲赴碭山意圖併力抗拒東省大軍僧格林沁見派兵在金鄉魚臺等處紮營堵截著即督飭官軍聯絡鄉團嚴密防剿毋令闖入東

境伊興額在徐州辦理團練仍歸僧格林沁節制見在該員招集馬隊為數較多應需糧餉是否由山東糧臺支給如有不敷自應由徐州糧臺接濟惟據田在田奏各營積欠甚多見在裁兵節餉恐亦不能兼顧伊興額係辦理團練或另有經費可以支發著僧

格林沁等查明酌量辦理俾該員馬隊及早整齊以便合力進剿是為至要將此由六百里諭令知之○曾國藩奏 於上年九月調集鮑超張運蘭兩軍進備休甯分紮西館進祥湖一帶因上溪口江灣兩處為賊南竄之路當於徽防調撥數營令已革副將楊

名聲整理成軍駐紮上溪口並飭副將王夢麟所帶良勇協同副將程永年兵勇合紮江灣以資扼守自十一月十四日鮑超一軍由西館撤赴景德鎮之急而上溪口江灣兩處防兵頗形單薄正深焦慮據楊名聲稟稱十六日休甯賊匪四五萬人分路來犯上

溪口南岸之賊被我軍槍礮環施連涉水過河併力夾攻北岸營盤都司譚加輝帶隊往來應戰斬截數百人該逆絕無退意楊名聲俟其氣餒正欲督帶馬隊由南岸前往策應該逆突出一股從街市之後繞來撲犯千總胡明昭乘營而走各勇登時驚擾楊名

聲親堵邊手刃二勇眾心稍固而北岸諸軍又被賊圍楊名聲馳馬過橋接應被騎賊從後追刺受傷落水各營弁勇傷亡過半不敷守禦持至酉刻南北各營先後失陷又據王夢麟稟稱十四日屯溪賊匪撲犯江灣被我軍擊退十五日該逆大股傾巢而來

王夢麟飭各軍憑營固守程永年親督守備馬登榮等率弁勇三百人往來鈔擊逆眾始退忽分數十股由遠山繞赴江灣村市散聚復於村頭各處築卡王夢麟即督帶馬登榮等同村應戰該逆死力相持馬登榮怒馬衝擊中槍陣亡外委鍾洪興楊大榮亦沒

於陣李金山又受矛傷正應戰聞忽報賊眾圍撲我營王夢麟恐營盤有失即帶隊回顧各營賊以木石堆卡阻我迎擊之路王夢名聲副將王夢麟程永年駐防數月有險可扼乃不堅守待援實屬論令各營奮勉出戰賊仍重重圍裏不得已會商程永年督軍

巷戰分路衝出以圖再振江灣營盤遂陷查江灣上溪口兩處均屬要隘一有疏失則藩籬盡撤賊得長驅以入江西已革副將楊應法懦無能王夢麟程永年均應請旨革職不准留營楊名聲係業經參革之員亦不准留營潰退兵勇交署湖北提督江長貴收

集整理陣亡員弁應請分別議卹以慰忠魂 上從之○曾國藩奏爲忠王李秀城上年十月率大股突擄黟縣經鮑超張運蘭擊

敗後繞入徽城旋竄婺源擾及玉山而羊棧各嶺外賊蹤時復廣聚竄伺祁門北路臣飭參將楊鎮魁遊擊蔣信玉分帶兩營協同

參將張應超一軍在距羊棧嶺十里距黟縣二十五里之盧村駐紮十一月十七日逆目古澹賢等糾合大股分三路突犯羊棧桐

林二嶺乘霧入卡遠鈔盧村諸營之後我軍閉壘堅守張運蘭派隊往援楊鎮魁等聞警齊出併力夾攻斃賊三四百人賊由新嶺

遁去十九日嶺外添賊萬餘於盧村左側築造二壘爲久踞以犯祁門之計時鮑超援景德之軍因阻雨尚在祁門遂派副將宋國

承率隊馳赴黟縣二十日諸軍會合分路鈔擊賊勢大潰跟蹤追殺伏屍遍野餘匪緣崖紛竄逃出嶺外自是嶺外之賊不敢內犯

而休甯城中之賊因鮑超回剿景鎮我軍益孤賊勢益張張運蘭思所以懲創之二十四日派易開俊劉松山朱紹輝帶隊分路搜

洗而進行至小溪該逆列隊應戰我軍大築賊勢不支乘勢追殺斃賊約三百人把總黃元率力戰陣亡餘匪退踞藍田又有另股

萬餘自浙而來在寶公橋一帶屯聚與休甯之賊互相聲援逼近漁亭一路因鮑超撤退後惟漁亭爲前敵最要之區飭令張運

蘭派兩勇兩營宋夢蘭帶安勇兩營又雷震宇四營合紮漁亭以厚兵力二十六日逆眾萬餘徑犯漁亭見我軍出擊踞橋抗拒戰

軍分路鈔殺該逆不敵奪命狂奔迨至崖脚斬傷率相信宣傳僞將軍爲指揮四名老賊千餘名忽上溪口之賊從南路來犯我軍

遂自東路隊回營申刻賊眾萬餘衝至漁亭街口雲雲等分路掩殺至牌頭嶺日已向暮陳青雲等督隊過嶺追至當金街山

路險窄不能排隊陳青雲胡克勝衝入街內遇伏陣亡雲雲等各督本隊截殺伏賊數百名收隊回營查黟縣各軍十日之內凡

四大戰象齊西救有戰皆捷盧村一腔該逆痛銳殆盡尤足以寒賊膽而快人心至在祁門賊分三大枝環擾其西一枝總派

鮑超赴景德鎮與左宗棠會剿賊自景德退至后門洋塘一帶仍分黨擾建德彭澤即湖口之賊亦尚屯踞張家嶺一帶其東一枝

以南歸楚師防剿壽州以上翁同書主之臣扼紮臨淮勢處下游上下千餘里隔絕既多運掉不能靈動卽臨時難以策應聞新任臬司李續宜智勇深沈極有權略且久歷戎行精於用兵在楚營督師剿賊入皖日久情形熟悉特一時不能到任卽令到任而責成不專不能盡其所長亦屬無功况近日團練擄掠非有大權以鎮之將排難解紛之不暇又安能專心防剿此南路事權不一不可豫籌也爲今之計得撫藩臬長於武略者軍務地方合爲一家據上游以控制全淮則勢順而易爲力再得苗沛霖李世忠兩營素相浹洽者拊循激勵而用之亦可收相助之效無須以大隊客兵徒滋掣肘兼糜糧餉也查楚師向稱勁旅爲羣醜所憚胡林翼練兵籌餉志切澄清且知非清皖不能保楚數年來不分畛域爲掃蕩江淮之計其所見甚大而所謀甚遠也特恐皖撫與楚師劃爲兩家不相聯合莫若卽以李續宜投爲安徽巡撫責令督辦安徽軍務在楚營不過少一帶兵之人而皖省督辦與楚師呼吸靈通必能聯貫一氣大振軍威至臨淮上下目前既無進剿之機止須水陸數千以資扼守聯苗李兩營以爲輔助第必駕馭得人乃不至互生猜忌且事歸皖撫統轄以藩臬分任之更能指臂相聯查撤任河南藩司賈臻勇敢任事有幹濟才前在皖營最久素爲苗沛霖李世忠所信按察使銜補用道張學醇在臣營帶兵數年頗諳戎機且屢與苗練會合剿賊精明幹練極有作用若以賈臻爲安徽藩司以張學醇爲安徽臬司均合駐防臨淮等兵督練必能與李續宜協力同心相助爲理長淮可以無慮卽賊蹤不至北趨臣於此時藉可分身計抽見有之兵可得精銳七八千人赴徐州一帶擇要駐紮期與僧格林沁聲勢聯絡不必再調未練之兵亦不必另籌格外之餉卽以臣營與僧格林沁見需餉數責令各督撫不准絲毫欠解士馬自可飽騰臣與僧格林沁隨時察看賊勢或前後策應或左右分擊再得徐豫兩軍爲之輔翼以扼旁窺不但北路可以屏蔽擒匪亦可計日蕩平矣黜陟之權非臣所敢妄擬而軍務利鈍所關一轉移間南北大局均有裨益又何敢隱忍不言儻蒙聖明垂察俯如所請卽懇飭下該員等剋期來皖俾臣得與籌商一切布置妥善然後統師北去不至有回顧之憂至翁同書張光第皆老成穩練爲大吏中不易得之人應如何另候簡用出自乾斷不勝悚切待命之至

上諭軍機大臣等本日據袁甲三奏通籌剿匪大局請酌量變通業經明降諭旨令翁同書張光第來京另候簡用並授李續宜爲安徽巡撫賈臻爲布政使張學醇爲按察使均著卽赴新任毋庸來京請訓矣據奏皖省地方大吏既得其人則長淮可以無慮賊蹤不至北趨該大臣藉可分身赴徐州一帶駐紮與僧格林沁聲勢聯絡再以徐豫兩軍爲之輔翼擒匪可以計日蕩平各等語實爲通籌大局起見僧格林沁駐軍濟甯係屬北路屏蔽節據奏報擒匪有分股抗拒之信尤宜加意嚴防斷不可銳意深入致令根本空虛難於回顧袁甲三如能移師徐州北路兵力較厚與僧格林沁合謀併力先將擒匪節節掃除然後會商進剿機宜庶可萬全無弊至臨淮爲南北關鍵扼守最要袁甲三若遽行撤動亦恐逆匪乘虛竄撲必須俟李續宜等到任後會商布置一切妥協派委得力大員在彼鎮扼然後可以抽兵赴徐張光第見辦皖省糧臺所有經手未完事件須俟新任藩司賈臻到後接替有人方可飭令交卸將此由六百里各諭令知之○命翁同書來京以李續宜爲安徽巡撫張

由候補
道遷

荆河南
布政使

554

江

齊既能

會同

受胎

審辦

兵餉

大匯宣

語四

一併

甲三

患

歸

練細

霖原

軍到
中國

查辦

錄船盡行掠去查該道榮驚皆在 聖明洞鑒之中而此次起釁究由壽州團練之擅殺練董員外郎銜孫家泰賦性剛愎不顧大局營無可解相應請旨將孫家泰革去職銜以便提同人證嚴行訊辦苗沛霖跋扈不馴深駭物聽但其練眾過多操之過急適以激變若姑息因循又恐尾大不掉為害滋深應否大加懲創抑仍舊事羈縻應恭候諭旨遵行至正陽等處流言四起經派兵制擒彼亦借官勢以號召其平日勒掇時有挾仇報復附之者多非心服故激而從捻者愈眾 前遣委員黃殿楨親至楚店集面見逆首孫英心機稱我等所不服者苗練雖有意歸誠終恐為其所害亦實情也撫捻而不歸苗練則必互相吞屠撫捻而盡歸苗練又恐愈滋流弊 有守土牧民之責不敢不據實附陳 上諭軍機大臣等壽州團練殺害苗練以致尋仇起釁練董員外郎銜孫家泰著革去職銜交袁甲三提同人證秉公嚴訊苗沛霖跋扈情形本應懲辦惟據袁甲三奏苗沛霖已將餉船送還該員既知悔罪不必操之過急惟將練勇尋仇一案割斷平允自能折服其心會同書因正陽等處流言四起欲親赴彈壓恐壽州空虛為該練勇所踞亦不可不防會同書已降旨令其來京李續宜尚未到任該大臣務須妥籌兼顧毋令練眾滋事是為至要另片奏孫英心不服苗練恐歸誠後終為所害等語孫英心與苗沛霖不合故意觀望此事亦須辦理妥協方無流弊賈臻見已授為安徽藩司著袁甲三即令其迅速赴任督飭該藩司辦理招撫孫英心事宜毋得稍涉遷就致滋貽誤會同書原摺片均著鈔給閱看將此由六百里諭令知之○調麟興為工部左侍郎以清安為盛京工部侍郎_{由內閣}○以蕭浚蘭為四川按察使_{由甘肅}○戊戌諭內閣朕此次回鑾並恭謁 東陵禮成後駐蹕避暑山莊凡驛路經行及中伏處所業經由總理行營王大臣傳諭直隸總督順天府尹止須一律平墊毋庸照舊例加細墊修惟該地方官吏往往藉辦差為名苛派民間車馬夫役近年直隸地方兵差絡繹民力拮据若再以差徭擾累民間朕心實有不忍著直隸總督順天府尹嚴飭各該州縣不得藉端勒索派備有陽奉陰違者即行查明參奏至愚從人等車馬繁多尤不得踐踏禾苗致妨小民東作並著通諭各該衙門尾從官員及兵丁等一體懷遵○己亥以廣西梧州勒匪出力擢道員將益壽為按察使賞副將高連陞巴圖魯名號餘升敘有差○劉長佑奏石達開悍黨偽閣宗石鎮吉逆變賣生擒率制陳子驥等前獲百色廳城經兵練擊敗折回慶遠路過安定為該土司潘梧所擒解送恩恩府署知府徐引因賊眾聚聚原擬將該犯等在府正法旋以道路稍通解省究辦 督同司道親提研審據該犯等供認先同石達開擾犯江南江西各省嗣自福建與石達開分股置陷廣東湖南沿邊各州縣直至桂林皆石鎮吉為首石達開後由寶慶來會潰赴慶遠石鎮吉復踞貴州趨攻百色致被擊敗擒獲等情當將該犯等凌遲處死以彰 天討報聞○胡林翼奏兩江督臣曾國濤上年調總兵鮑超等軍渡江剿辦皖南賊匪派會國奎曾典幹爾圖安慶牆壕深堅賊勢漸已窮蹙探聞逆首陳玉城復糾約李秀城併力西犯其大股賊匪均從南岸渡江而北會於無為廬江以圖急援懷桐提督楊載福副都統多隆阿臬司李續宜前因安慶樅陽日有警變於十

二月初八日會集樞密安慶相度地勢營壘賊情布置已定其多隆阿李續宜一軍仍堅扼桐城以備援剿臣於十二月十三日紫
營太湖以顧後路兼與前路桐城報捷近報聞○庚子陣亡副將劉坤山等祭葬世職○辛丑杭州將軍瑞昌等奏賊竄孝豐
省城可危得旨省垣固屬緊要然近防不如遠剿仍應迅籌撥兵抵禦○壬寅 上御勤政殿賜近支親藩等宴○諭內閣國家發
政施仁尤在欽恤庶獄朕自臨御以來兢兢業業惟願與吾民同臻上理而兵戈未息民困未蘇仰荷 天 祖付託之重未嘗不
刻責自深病痼在抱上年朕三十慶辰業經頒詔各省軍流以下人犯俱減等發落並將秋審緩決三次及一二次人犯分別查辦
矜恤之心內外臣民諒已共喻粵稽乾隆十一年嘉慶十一年均 特頒省刑 諭旨大沛 慈恩亦越道光十一年 皇考宣宗
成皇帝紹述 前徽復頒行 曠典朕以涼德寅紹丕基茲當紀年開秩允宜祇遵 成憲以冀消災戾而迓祥和所有刑部及各
省已經結案監禁人犯除情罪重大及常赦所不原者毋庸查辦外其餘著大學士會同刑部酌量案情輕重分別減等請旨發落
其軍流徒杖以下人犯一併分晰減等完結俾霽寬大之恩勉圖自新之路用副朕赦過有罪子惠黎元至意○江西巡撫毓科奏
饒州浮梁府縣兩城糧匪闖入旋經三品京堂左宗棠督兵擊退得旨嘉獎○甲辰 上御勤政殿賜王大臣蒙古貝勒貝子公額
駙台吉等宴○乙巳 上御福壽園賜御前大臣御前侍衛乾清門侍衛等食○諭內閣本日據巴棟阿等奏參喬松年將前任藩
司王藻交款以三成解交北臺以一成解交南臺不知緩急且於口岸地方添設水師釐局與前議不符各等語鎮江軍務緊要前
經諭令辭燠於王藻許敦詩應交款項內先提銀十萬兩交江南糧臺以濟急需見在王藻交錢三萬串合銀一萬八千一百八十
餘兩自應先儘南臺提用喬松年僅撥出一成其餘三成俱歸江北糧臺殊未允協所有已交北臺之款著即如數撥歸南臺其餘
未繳之款並著嚴催速提違奉前旨先其所急解赴鎮江軍營應用昨據喬松年奏請將此款分成勻撥並未將王藻已交之款詳
細聲明且未候諭旨輒即分成提交殊屬不合喬松年著交部議處至口岸釐局前據喬松年奏稱與民不便業經諭令巴棟阿停
止何以江北復添設水師釐局並著喬松年明白回奏○諭直隸天津道孫治專辦天津河間兩府團練事宜○丙午諭軍機大臣
等本日據色克通額奏接木哩斐臣編與軍機大臣咨文代為呈遞一摺文內大意以俄國上年在京所定條約第四款有交界各
處准許兩國所屬之人隨便交易並不納稅黑龍江將軍副都統並不遵照辦理各等情該處何以不照條約辦理必須查明以免
藉口著恭親王奕訢等即行文特善欽等令其按照條約第四款出示曉諭該處商民互相貿易即由該大臣等酌量咨覆○諭會
同藩奏部文到營較遲請飭軍機處將所奉諭旨隨摺鈔發等語軍機處事紛繁各處奏報摺件所奉諭旨勢難概行鈔錄隨摺封
發至軍營保舉所奉諭旨字數較多尤難即時鈔發嗣後該大臣奏報凡緊要事件或關緊缺分者由軍機處鈔錄諭旨附報發給
其保舉各案接到軍機處知會即可於部文未到以前遵照辦理至奏摺尋常事件仍著聽候部文知照可也將此由五百里諭令
知之○會國藩奏湖南一省向稱瘠苦之區年來防剿本省援應鄰封兵勇分道四出而餉需猶能為繼良由經理得人取民有道

前助剿江西協濟黔粵歲費百餘萬兩入在 聖明洞鑒之中本年夏間 與左宗棠在湖南招募勇丁數近二萬餉項軍裝爲款

甚鉅皆由湖南竭力協濟得以從容集事 臣以一省之物力止有此數協助別省者日多則供給本省者日少此有所盈則彼有所

缺本不欲再用湖南之餉致蒙竭澤而漁之譏無如添募勇丁添製槍礮添造船隻在在與湖南交涉不得不藉資湘中之力以濟

皖省之師爰與湖南撫 臣 熱商札飭臬司裕麟道員黃冕鄭元璧等會同藩司文格在於長沙設立東征局凡鹽茶貨物的抽釐金

於商民稅則所增無幾而於本省釐務兩不相妨 臣與官文胡林翼等所統各軍同係東征之師同值缺餉之際議定東征局所籌

餉項以三分之一解江西糧臺協濟皖南一軍以三分之一解湖北糧臺協濟皖北一軍又會同遼派官紳設立分局襄同辦理本

年七八月內次第開局 臣以隔省籌餉事涉繁難未敢遽行入奏九月間規模漸定眾情胥協洵屬力拯時艱著有成效惟是另設

一局與本省抽釐不同凡鹽茶各商抽收較多者應做照江西茶捐之例給予獎敘近歲以來屢蒙我 皇上諭旨褒嘉湖南官紳

有裨大局今茲時事彌艱猶能多方籌措謀及皖吳之師雖出自該局官紳報國微忱亦足見 聖主仁言勸人之深有以激發於

不自已者也得旨允行○廣東巡撫耆齡奏克復平遠縣城報聞○恆福以病免以文煜署直隸總督賞譚廷襄二品頂帶爲山東

巡撫未到任前以布政使清盛署理調鄧爾恆爲陝西巡撫未到任前以布政使瑛榮署理賞何冠英二品頂帶署貴州巡撫 臣

署○子江蘇殉難內閣中書趙起建祠江南殉難鹽運司經應謝豐昇等祭葬世職○丁未僧格林沁西渡阿圖瑞奏上年十二月

間探聞捻匪五旗並出欲撲濟甯軍營 臣等移師濟甯迤南唐家口一帶駐紮因該處有牛頭河一道東西綿長八十餘里堪以扼

守旋據曹單金鄉等處紛紛告警請兵救援 臣等即於本年正月督帶馬步隊取道金鄉探報捻匪在距金鄉四十餘里之白福園

及田家集等處盤踞初六日大股向西北奔竄 臣等督隊跟追十一日追至荷澤縣屬之關李家莊地方道眾四五萬人列隊抗拒

臣等以馬步隊分南北中三路進剿槍礮連環斃賊無算該逆愈聚愈眾我兵因連日奔馳沿途無食飢瘡萬狀自卯時戰至午刻

步賊冒煙而進馬賊兩旁鈔襲副都統銜舒連額督帶馬隊將北面之賊擊回而步賊已撲入中隊我軍短兵接戰正在相持南面

之黑龍江馬隊陝甘步隊力不能支先行退後兵力益單中北二隊被該逆圍繞勢難支持均即潰散槍礮器械遺失多件二品頂

帶察哈爾總管伊什旺布登時陣亡應請旨交部議卹以慰忠魂 臣等調度乖方應請旨交部嚴加議處至歸化城副都統桂成統

帶陝甘官兵黑龍江協領色爾固善督帶馬隊接仗時督隊不力首先敗退應請旨革職重懲戴罪圖功現在捻匪仍在曹縣一帶

游弋 臣等因地方蹂躪人馬無處覓食已回駐唐家人口收集官兵整理器械再圖進剿至陝甘官兵不能得力見擬詳加選擇分別

革退遣撤惟既經開除兵力更單查東省鄉民較爲勇敢擬即隨時招募充補以厚兵力 上諭軍機大臣等僧格林沁等督帶重

兵北地倚爲屏蔽朕惟恐該大臣銳意進剿疊經有旨諭知自應倍加慎重一聞該匪入境即當前後布置謀定後戰乃奔馳數日

率飢疲之卒當方張之寇後路既無援兵左右亦少策應以致爲賊所乘勇往雖有餘惜尚未能持重也該大臣見在收集潰兵回

駐唐家口著即將不得力官兵嚴加裁汰招募充補一面聯絡民團扼要嚴防毋令該匪再行北竄本日已諭知袁甲三派撥兵勇會同田在田伊興額等實力截擊並牽制搶掠後路至該匪人數眾多皆係烏合伊興額於徐宿一帶素得民心著即飭令激勵鄉團相機堵禦並解散脅從設法招撫槍斃以孤其勢俟袁甲三移營徐州以後再與商定機宜會同剿辦方有把握此時總不宜輕進再蹈覆轍昨恆福摺謂該大臣未可輕易直前所奏不為無見著鈔給閱看將此由六百里諭令知之○命河南按察使鄭元善雷省專辦團練事宜毋庸幫辦毛昶熙軍務○以山東菏泽剿匪失利僧格林沁等下部嚴議革副都統桂成協領色爾固善職雷營效力于陣亡總管伊什旺布祭葬世職○戊申 上御萬樹園大幄次賜王大臣官員蒙古王貝勒貝子公額駙台吉等茶果○庚戌諸軍機大臣等跪省捻匪滋事以來疊經官軍剿辦斬馘甚多而此剿被竄蔓延東豫愈聚愈眾本應悉數殲除以彰撻伐惟念此中良莠不齊其被匪裹脅並非甘心從賊者正復不少若概行剿辦恐人數眾多久煩兵力且該捻為粵逆前導抗拒官兵身罹鋒鏑之害而粵逆則坐享其利其愚亦屬可憫著袁甲三穆騰阿鄭魁士毛昶熙李續宜嚴樹森於皖豫境內剴切曉諭散脅從有能悔罪輸誠自拔來歸者概予免戮其中如有才具可用者並酌量錄用即如李世忠自投誠後屢立戰功朕即擢至提督該捻首若能殺賊立功亦可渥膺懋賞儼始終抗拒執迷不悟惟有嚴行剿洗亦不能任其猖獗李續宜嚴樹森身任封疆尤當督飭地方官辦理招撫安插事宜俾解散之民各復本業不至再為裹脅方為妥善孫葵心投誠一事前已有旨令賈臻迅赴皖省辦理該捻首於賈臻素所信服著傳諭該藩司遵奉前旨迅速妥辦毋稍遷延至徐宿一帶情形田在田滕家勝伊興額俱所素悉著即會同商辦剿撫並用俾該匪等自新有路庶免概遭殺戮吳棠久任淮徐素得民心於招撫解散事宜尤當與田在田等會商妥辦此事從前歷次頒發解散脅從諭旨各路統兵大員及各該地方大吏並未實力奉行此次袁甲三等務須實心辦理不得視為具文仍著整飭官兵如有始終頑梗必應剿辦者即行督兵殲除亦不得因有此旨致懈軍心將此由六百里諭知袁甲三穆騰阿鄭魁士毛昶熙李續宜嚴樹森田在田滕家勝吳棠並傳諭伊興額賈臻知之○論安徽一帶捻匪授及東豫到處勾結裹脅良民以致愈聚愈多此剿彼竄朕思此輩烏合離眾未必皆甘心從逆之人若概予誅夷朕心實有不忍李世忠自投誠之後屢立戰功為國宣勞是以擢至提督該員於搶掠頭目多所素習其中必有情願投誠而自知罪重意存觀望者若能宣示朕意使其自拔來歸亦不當寬其既往如有率眾歸誠助兵剿賊者更不難立沛恩施以彰激勵至怙惡不悛負隅抗拒者惟有嚴飭各路官兵認真剿辦有厚望焉○辛亥雲貴總督劉源灝奏克復獨山州城報聞○以貴州長寨麻城被匪竄陷革副將賈連陞等職雷營差委子陣亡同知劉宗元等祭葬世職建祠○壬子翁同書奏查苗沛霖始則倚官偏民繼且挾眾抗官所到之處錢糧不能開徵詞訟不由官斷聚財無饜足殺人如草菅偏令紳富大戶將妻子遷入老寨為質勒索不遂則闔家戕害又於蒙城宿州擄立公局私設公案任

意殺戮近在潁州殺日差弁千總韓登喜及步兵王鳳鳴欲劫所解餉銀並在兩河口搶劫同知史久恩銀物將該員擄至下蔡勒贖種種跋扈賊人聽聞以致強梁者從之如雲不服者去而入捻日剿捻而捻愈熾職此之由見接袁甲三鈔送苗營信稿狂悖語夥實堪髮指所稱日會論擊伊營之人其言毫無影響日方出示禁殺苗練冀弭爭端豈期憑空誣捏希圖營聽日因南北皆當多事之秋不肯再任沿淮圍練傳室操戈重煩聖慮是以極力調停冀兩造各知悔過乃貽書勸慰至六七次苗沛霖一字不覆又接袁甲三密函知苗沛霖遣人赴勝保營中投稟內稱孫家泰徐立壯拘囚巡撫不許官軍進城並強奪其印明謂官軍暗勾髮逆等語尤堪駭笑其所以演言惑眾者實因日在壽城未便公然犯順是以任情污蔑至於壽紳與苗練均有罪狀而輕重大小昭然可見日已通催袁甲三派大員來壽將紳練激變之處秉公查辦絕無徇庇而苗沛霖怙惡不悛亦豈容養難貽患邇來遠近士民聞伊黨驚皆不樂為之用但能仰遊乾斷詔書一下軍心民自必倍加踴躍除惡務盡竭力是視苗軍雖飢疲然勉以忠義無不天恩效死本月初一日下蔡苗圩發隊水陸並進內有所掠臨淮礮船二十餘隻直撲壽州城下傷我勇二人營經副將黃鵬輝飭令開礮將匪船擊回初九日又有馬步千餘過淮焚掠殺傷民人無數擄去婦女數十名日正欲出隊其隊已逼何下蔡疊據參將韓殿甲等偵探並合肥北鄉練董密報苗沛霖勾結廬州粵逆遣偽官余凌浚許導奎趙大落赴苗練老寨會議欲攻襲正陽關日惟不動聲色靜以待之連日出城操演隊伍整齊夜間派弁兵登陣巡守亦無疏懈苗沛霖聲言具三月糧攻壽州城先絕餉道殺傷商販日紫營河口淮河始通特糧餉不繼兵力尙單乞飭下河南山西陝西三省源源接濟月餉並飭湖北巡撫胡林翼撥精兵二千名駐紮三河尖協同防剿以固楚豫而壯聲威上諭軍機大臣等苗沛霖種種跋扈實屬形同叛逆難以姑容惟其手下人數眾多操之過急轉恐立啟釁端著袁甲三嚴密訪查如果苗沛霖自知悔悟原不妨暫事羈縻若如翁同書所奏桀驁情形怙惡不悛士民皆忿且有勾結粵逆攻擊正陽之說亦宜防患未然不可一味姑容以致養癰貽患翁同書已令來京李續宜見授皖撫壽州地方緊要設有疏虞所關非細本日已諭令胡林翼派撥精兵二千名駐紮三河尖協同防剿李續宜到後即可分撥布置並察看苗練情形妥籌辦理固不可激之生變亦不可任其挾制官長致成尾大不掉之勢壽營軍餉已諭令嚴樹森常績瑛采迅籌接濟矣翁同書摺片四件著鈔給閱看將此由六百里各諭令知之○諭本日據文煜奏捻逆由鉅野分竄館陶荷澤徑撲曹州府城護隄並攻破觀廟李莊等處前隊竄至直隸東明縣境由武備岡向西南東明長垣等縣竄撲已分別咨飭直隸總督大名鎮道派兵堵截復據聯捷奏稱捻眾竄至長垣縣屬三翟莊口東明縣山里屯河口踏冰過渡均經練勇擊退見調鄉團於河岸防堵各一摺捻匪大股竄偏直境畿南重地防務倍關緊要著聯捷即督飭兵練嚴扼河干斷不可任其徑渡備防守不密致賊闖入畿疆朕惟聯捷是問本日毛和照奏截擊捻股大獲勝仗見在匪眾逼近直境蘭儀考城已有賊蹤毛和照當督帶兵各員追剿俾擒逆有所牽制不敢徑行北趨如與聯捷併力迎頭截擊尤為妥善著聯捷即該道回巢毋任匪蹤闖入畿疆是為至要將此由六百里

里諭知毛昶熙並傳諭聯捷知之○諭旨同書奏請飭撥兵協同防剿等語據稱苗沛霖因與壽州團練尋仇暗思殺官報復聲言欲攻壽城並有句結廬州專逆之語見在該前撫練兵守陳紫營河口尚無疏懈惟兵力尙單請飭湖北巡撫撥精兵二千名駐紮三河尖協同防剿等情苗沛霖特強跋扈意存巨測已諭令袁甲三妥籌辦理前有旨令翁同書來京另候調用授李續宜爲安徽巡撫見在壽州兵力尙單著官文胡林翼就近調撥精兵二千名派委得力將弁統帶駐紮三河尖以壯皖軍聲援而固楚疆門戶至胡林翼前保之同知劉蓉見在何處聞該員才具尙好應如何錄用之處並著胡林翼酌量具奏將此由六百里諭令知之○諭前因綿性奏變通私徵轉爲公用誠恐該伯克再行額外加徵重累回人當交常清等體察情形悉心議奏茲據綿性奏稱阿克蘇同子生齒日繁影射之戶甚多非稽查明確不足以昭平允已派令回子郡王愛瑪特幫同章京國燭等查明二莊戶口並查有勒索錢文之七品伯克二名卽行懲辦等語變通私徵以充公用是否可行尙未據常清景廉覆奏綿性自應俟奉諭旨後再行查辦且甫經清查卽有伯克勒索錢文之事愛瑪特等亦難保無藉端需索情事著常清等嚴密訪查並將變通私徵有無流弊之處迅卽據實具奏將此諭令知之○癸丑諭內閣勝保奏已革大員捐輸銀兩據情代奏一摺已革江南河道總督吳長所捐銀兩著卽賊宜擾未能堵禦降旨令其來京聽候審訊自應靜候訊辦乃案尙未結輒先捐輸銀兩希圖加恩殊屬冒昧庚辰所捐銀兩著卽擲還仍著迅卽來京聽候審辦○袁甲三奏遵查苗沛霖投稟勝保軍營所稱徐立壯孫家泰不准官軍進城一節翁同書駐師壽州本不能盡禁城內且恐兵民雜處易滋嫌怨是以令官兵在城外紮營出入皆有稽察並非徐立壯等不准進城藉以挾制至謂徐立壯等拘囚巡撫強奪其印尤屬毫無影響徐立壯曾隨撫營帶練助剿經翁同書先保之而後參之孫家泰本駐壽城見經翁同書參革職銜其爲不受要挾已可概見又稱暗勾髮逆與苗沛霖打仗一節查頑黨黨毫一帶偏地皆徐苗沛霖平日勦匪結怨亦復不少徐立壯會與苗沛霖同事剿賊其底細皆所深知此時搆毀尋讎人心洶洶其暗中勾結報復亦在意中不能保其必無也苗練恃眾跋扈已在 聖明洞鑒之中自壽練糧殺復令有所藉口 臣前已遣人委曲開導漸就範圍而彼此懷疑浮言四起見復添派新任臬司張學醇前往壽州會同廉鳳道才宇和迅速查訊務期劃斷平允以折服其心至苗練前次截留 臣營餉船頗有危不自安之意迨 臣理諭情遣伊亦自知悔悟見因事無定局餉船仍未送還報聞○甲寅諭內閣上年諭令河南等省辦理團練並派督辦大員各就地方情形妥爲經理茲據御史吳祖昌奏兩廣幅員遼闊請飭合辦團練並於肇慶設局等語著照所請所有廣東廣西兩省團練事宜卽著兩廣總督會同廣東廣西各巡撫按照河南等省團練章程認真妥辦並於肇慶地方設立總局揀派公正官紳協同辦理毋得有名無實○諭軍機大臣等本日據嚴樹森毛昶熙奏豫省歸陳許鄭汝光地皆平陽無險可扼見自曹單竄往之擒已偪省城而歸德以南另股竄匪馬步逾萬省城官兵不敷守禦毛昶熙所部悉皆步勇馬隊不滿三百滿營之屬疲瘦不能禦敵賊騎我步攻難施請飭撥東三省馬隊二千名來豫等語所奏自係爲利於鈔幣起見惟吉林黑龍江馬隊近年

調赴各路軍營爲數過多實已無可再調見在擒匪由山東竄至直隸之長垣東明等境北路防剿尤關緊要卽有官兵亦難調赴豫省該撫等既分飭各屬勒捐馬匹卽可挑選精銳官兵練習馬隊或招募馬勇以資攻剿刻下擒匪鴟張毛昶熙等惟當就見有兵力認真堵剿毋得專待客兵致有貽誤將此由六百里諭令知之○丙辰僧格林沁西凌阿圖瑞奏自前次接仗後擒匪業經折回竄出東省遼寧十七至二十等日復有另股由歸德虞城一帶竄至汴澤縣地方查該逆更番肆擾等兩次迎剿未能得手屢擬乘其竄出東境卽行移營前進守衛邊濠以扼東省門戶不料一股甫退一股復來蓋東省富庶該逆垂涎兵團扼守邊濠不能遂其擄掠是以屢次希圖牽掣見在荷澤一帶盤踞亟應督兵剿除惟步隊行走遲延且器械尙未齊備已札調知府趙康侯並曹州等處團總各帶鄉團在鉅野縣屬大義集會齊等擬於二十五日督帶馬隊前往合力進剿儘能大彰撻伐餘匪竄出邊濠卽一面分布兵團逐段防守一面趕緊補築濠塹以資捍禦上諭軍機大臣等擒匪更番出竄意在疲我兵力當此賊勢方張正宜謀定後戰克操勝算以期大挫銳鋒僧格林沁此次復親帶馬隊銳意輕進深恐再蹈從前覆轍著卽督飭各屬鄉團迎頭截擊並飛催步隊官兵相機策應該大臣身爲統帥指揮調度是其專責斷不可輕臨前敵屢冒危險俟此股擊退趕緊分布兵團防守邊濠遏賊來路以待袁甲三等分兵會剿兵力稍厚再圖進取方爲妥善將此由六百里加緊諭令知之○諭田在田奏壽州團練構釁見起宿州鎮撫一招據稱淮南團練殺傷苗練致苗練憤起爭端淮北數百練圩紛紛糾眾構釁沙河渦河一帶新附各圩飢民乘機赴靈泗等處滋事宿南人心震動見經開導宿州民練將苗練旗號撤去並分撥兵勇在宿境東北駐紮一面馳回宿州鎮撫人心等語苗練與壽州團練構釁當經諭令袁甲三秉公查辦並妥爲安撫田在田見回宿州自係爲安定人心起見惟此時捻匪竄擾東境延及直隸東明長垣邊界本日復據僧格林沁奏稱此股捻匪雖已折回竄出東省邊濠而另股捻眾又復竄荷澤徐州爲東境藩籬較宿南一帶尤爲緊要苗練構釁一案見有袁甲三就近辦理田在田到宿後應卽折回徐州一帶與滕家勝吳棠等聯絡民團督率兵勇相機堵剿以遏捻逆北竄之路並與僧格林沁一軍互相援應以收夾擊之功毋因苗練牽掣致令北路空虛是爲至要將此由六百里各諭令知之○諭田在田奏撤退勇被圍聚格殺多名請飭查辦等語據稱傳振邦撤去東勇五百名行至泰安縣大汶口地方被民團截殺六十三名內有官弁三員遊擊傳萬清後至遇劉紹英認保未被砍殺旋據該縣知縣稟稱係因不服督查遽行械鬪其時南翼各團亦均捆獲多名實屬誤認爲賊田在田復遣守備趙典通前往查訪行抵宋家莊亦被民團縛縛請飭山東巡撫確查訊辦等情民間團防原有盤詰奸宄之責惟軍營撤勇既有文憑可稽卽不得任意妄殺雖因兵丁過境人數浮多恐有匪徒混入亦當報明該地方官辦理乃因不服盤詰彼此械鬪殺斃多名實屬兇橫不法知縣方振業事後查辦自應虛心詳察何以趙典通約同查驗並不前往亟應嚴切根究著清盛卽派妥員確切查明是否該勇丁搶奪擾害傳萬清所稟不實抑係該處民團恃強滋事該知縣藉詞規避務須秉公勘究按律懲辦以期兩得其平毋稍寬縱原片著鈔給閱看將此由五

百里諭令知之○吉林將軍景濤等奏捕珠各河與夷務無礙得旨圖畱中著於十三年照例採捕今歲即起緊設法籌辦除必需之款仍照例支放外其餘可減則減通融辦理○丁巳翁同書奏壽城之殺苗練苗練之殺官弁議者謂宜兩懲之以持其平似矣而未盡也壽城被苗練是巨案也禍無有烈於此者也苗練殺官弁是細過也罪尚有浮於此者也今縱兩懲之不過調停粉飾爾豈得謂此後遂可無事乎欲官有權必盡撤各城苗局而後可欲民無怨必嚴禁各圩領苗旗而後可欲長淮復通必速撤下蔡苗圩而後可然此令果下苗練必抗且爭為患無已且苦心守土而竟敢誣指為拘囚彼舉兵攻城向不敢訟言其悖逆是非倒置有識寒心見按兵不動聯固吾國欲振作則恐誣為激變欲姑息又恐議為養奸進退維谷無所適從頃據合肥北鄉練總褚開泰稟稱苗沛霖遣人往廬州具稟該總練將其稟稿密呈有欲勾結髮逆搶掠壽州以南一帶並欲攻取兩淮山東河南地方等語此事所關重大謹將原稿封呈御覽又本日苗練過淮築營迫脅民圩歸服親往北門五里廟營盤局嚴防仍不出隊其壽州一案疊次催調才子和杏不見到袁甲三亦未遣員到壽會審與鎮道各大員函致苗沛霖婉曲勸慰皆置不答至營協餉絲毫不至者已五十日楊腹荷戈勢將瓦解可否請旨仍飭下山西陝西將月餉儘解營並飭河南於協餉外另撥銀數萬兩速解壽州以濟眉急出自天恩上諭軍機大臣等壽州餉需不至者已五十日譚澐堪袁甲三昨奏請於皖省協餉內明定章程業經諭令各該省如數撥解壽營待餉孔亟該大臣自當不分畛域著由臨淮軍餉內無論多寡先行通融勻撥以冀保全大局至苗沛霖偏脅紳富領旗並密稟內有欲勾結髮逆搶掠壽州以南一帶並欲攻取兩淮山東河南地方合肥練總褚開泰所呈苗沛霖稟稿是否實有其事或係壽州團練偽造希圖搆毀均未可知著袁甲三嚴密訪查如果苗沛霖有勾通髮逆之事亦宜不動聲色妥為防範不可稍涉大意並嚴催張學醇才子和將團練伏殺一案迅速秉公查辦毋稍延誤苗練見在過淮築營偏脅民圩歸服並著田在田伊興額確查該練動靜密為防備切不可稍涉張皇以致激而生變翁同書密片一件苗沛霖稟稿並鈔錄摺片二件均著鈔給袁甲三閱看將此由六百里密諭袁甲三田在田並傳諭伊興額知之○諭勝保奏練兵籌費添置器械一摺據稱團明團八旗包衣三旗兵丁入槍營操演者向止二千四百名見擬於八旗護軍內挑出精壯兵一千四百名統共三千八百名並添置擡槍鳥槍排槍刀矛馬槍號衣等件共需銀六千三百六十餘兩請於釐捐鹽價罰賠各項銀兩內提用或由部籌款一萬兩或八千兩發交該營等語已交戶部覈議具奏矣京營訓練兵丁添置器械除撥槍照數添置外其餘鳥槍等件著該大臣再行覈減以節經費而務實際並覈實估計究竟統需銀兩若干詳細確查具奏毋得稍有浮濫將此諭令知之○賞已革大學士瑞麟四品頂帶辦理吉地工程○戊午諭軍機大臣等毛昶熙奏兵勇馬隊過單見擬每寨挑選壯丁一名騎馬一匹於到營後按照馬勇給發口糧事竣各回原寨等語該匪馬匹甚多我軍馬隊過單僅恃步隊追剿勢難得力自應多需馬隊以資攻擊前因馬隊不能再見諭令毛昶熙召募馬勇該大臣見於每寨中派選一人一騎輕而易舉並於殺斃之人責令募長保送約歸陳兩屬中可得馬

隊三四百名辦理向屬妥協惟賊勢剽疾異常恐見集馬隊向不敷攻剿著於歸陳兩屬之外再行設法選派馬勇務期多多益善俾成大隊庶可隨賊所向馳往攻擊另片奏辦理招撫擒首事宜等語孫葵心在六安境內既爲該逆等拘囚投誠之意自必更堅正宜乘此機會迅速入手以免致滋他變賈臻業已調任安徽著即飭令該藩司設法辦理毋再遲延將此由六百里諭令知之○是月緩徵直隸滄州等三十九州縣被災村莊新舊額賦山東臨清等四十八州縣並德州等四衛被災莊屯本年額賦蠲緩江蘇高郵等二十一州縣被災地方新舊額賦川沙等三十三廳州縣並淮安揚州等五衛歉收被災地方新舊額賦貸山西薩拉齊等九廳縣被災倉穀展緩臨汾洪洞二縣歉收村莊新舊額賦

二月己未朔諭內閣徐之銘奏回匪襲擊甯州城旋即克復並江川甯州等處解圍一摺上年十一月間雲南迤西回匪分股襲踞甯州城經知州熊夢昌等調集練勇分隊進攻外委李和首先登城外委蔣連璧等先經改裝進城放火接應兵勇乘勢齊登竄賊數百名逃出之賊復經兵練截殺五六百名奪獲槍礮器械無算立將州城克復丹股匪首馬勇即馬雙恩攻撲江川縣城署知州訥謨謹等分路剿擊武生周鈞等殺賊三四百名武生李必湯子戩馬勇斃命賊始紛紛敗潰出城追殺三十餘里其攻撲甯州之賊經知州文廷銑等分督兵練竭力守禦並乘夜圍攻賊營槍礮齊施斃賊無算復追殺十餘里賊屍遍野江川甯州兩屬均已一律肅清剿辦向屬出力在事出力員弁著徐之銘擇尤保奏候朕施恩○諭軍機大臣等徐之銘上年十月間奏請令張亮基在任調理摺內有七月二十四日護提督稽克昌陣亡之語未見專摺奏報是否摺件遺失著該撫查明該總兵陣亡情形詳細具奏其回務副掌教徐元吉武生馬如龍前據該撫奏請令其辦理應撫事宜此次賊踞呈貢經總兵何自清督兵剿擊克復縣城詳細情形摺內亦未據聲敘至楚雄府城被陷時迤西道宋廷春如何回省有無逃避情事均著徐之銘確切查明據實詳晰具奏將此由六百里諭令知之○予雲南陣亡典史羅宗洲祭葬世職○辛酉僧格林沁西凌阿國瑞奏查馬隊見有三千餘名等語帶二千餘名於正月二十七日行抵太義集途次接據探報擒匪分三股先後闖入東境定陶曹縣荷澤等縣地方往來無定等詢之大義集及附近各村團長則稱賊勢甚眾鄉團膽怯不能協助迎剿即各守村寨尚不知能否保全等語臣等查係實在情形萬難勉強即於二十七日仍回唐家村激勸官兵防守河岸至馬步官兵潰散之餘喘息未定銳氣未復欲抵此十餘萬方張之寇強弱懸殊難望得手惟有養精蓄銳裁汰疲乏以圖再舉其陝甘官兵不堪驅策者約二千餘名擬即遣撤回伍一面咨商袁甲三迅即撥兵會同田在田伊興額實力截擊以便牽制擒匪後路俟牛頭河及運河防守布置嚴密後如有可乘之機再行督兵剿辦上諭軍機大臣等此股擒匪既稱十餘萬兇悍異常各屬鄉團未能協助官兵但各守村寨必須互相聯絡方能杜賊竄撲該大臣等仍當激勵趙康侯等令其分飭鄉團遇賊即擊毋令賊蹤北竄見在裁汰陝甘官兵二千餘名兵力更單惟有將牛頭河及運河等處各要隘嚴密防守以固北路藩籬俟袁甲三會同田在田伊興額等分兵剿辦將擒匪後路牽制該大臣再當酌度機宜督

兵策應此時宜仍遵前旨不可銳意輕進再蹈從前覆轍將此由六百里諭令知之○諭前因綿性奏變通私徵改充公用一摺復據奏派令同子郡王愛瑪特查明戶口並有伯克勒索錢文情弊等語先後諭令常清等嚴密訪查並將變通私徵有無流弊之處迅速據實具奏本日據英緒奏參綿性私設鹽課並未與各城商辦於上年三月間徵每月每人收普爾錢二文三品伯克至七品伯克按品級每月交錢五十文三十文不等收至三四箇月停止並向安集延外夷每月挨名收要喫飯鹽錢以致安集延夷人遞稟申訴至該大臣具奏變通私徵轉爲公用應俟奉旨允准再爲舉行輒即咨調已革阿奇木伯克阿密特並擅留愛瑪特辦理清查戶口事件等語綿性私設鹽課並向安集延外夷一律徵收似此任性妄爲深恐激變地方著常清景廉查明綿性所收錢文若干作何用項並查明愛瑪特如有勒索回眾情事卽一併據實參奏毋稍徇隱將此諭令知之○予貴州陣亡副將善寶等祭葬世職○都興阿奏正月初旬天長髮逆勾結捻匪陳自明直撲金溝當派守備陳浚家等各帶礮船分路進攻詎該逆在南宮廟搭造浮橋搶過北岸由旱路繞至塔兒集等處我軍登岸迎剿連日斬賊頗多初十日賊眾由金溝西岸突出三千餘人官兵佯爲撤動誘其離巢返戈回擊殲斃亦復不少遂密飭各隊四處設伏當將浮橋焚燬我軍搶過西岸盡力追殺約斃賊二千餘人餘賊向天長一帶分路竄逸十六十七等日該逆約有三千餘人突至大儀集等處聲言直撲瓜揚另股賊馬圖竄邵伯經參領海全派令委參領富升等各帶馬步隊行抵大儀地方該逆列陣迎拒富升等帶領馬隊直前衝擊李有才等分左右兩路前進孫文友搗其中堅逆勢不支追殺十餘里斃賊甚多當卽收隊回營至江陰黃田港有賊船數百隻新溝有長龍賊船八十餘號日在君山演礮並在常州辦船計圖北竄下游江靖一帶水路防務喫重見添派參將刁經明酌帶礮划馳赴下游會同原泊師船妥爲布置並令總兵吳全美調撥快礮船剋日下駛一體防禦以固江北藩籬報聞○楊載福奏上年十一月二十二日首逆陳玉城率眾萬餘來攻樅陽以圖進援安慶經總兵李成謀督同遊擊章志俊飭令各營靜鎮固守賊卽踞於附近之七里亭地方章志俊在樅陽街頭築立一卡力扼要衝李成謀分派三板船拖入蓮花池內設衛營卡二十四日賊眾在下樅陽河岸攻撲水營時水落岸高師船礮砲無準李成謀飭勇在羅塘洲安礮對岸轟擊斃賊多名賊乃分股於隄內掘壩欲複蓮花池水使師船不得停泊以圖便於攻卡副將左光培於洲上添排大礮李成謀並調集糧倉向隄內轟擊章志俊亦派隊由陸路出攻掘壩之賊始退當於該處築卡扼守二十五日該逆全力攻上樅陽街卡章志俊督飭伊昌景等營極力守禦慮章志俊兵力太單卽於是日帶參將陳代友等率正左正右兩營策應該逆忽退踞官埠橋意在別尋路徑查樅陽小河潮流而上約百餘里可通安慶之路甚多隨於二十八日督率師船擇要設防以斷該逆暗渡擾皖之路賊見無隙可乘由官埠橋復竄樅陽占踞附近各山寨多座連日出隊爭撲均經官軍擊退正月初一日賊又分數股襲樅陽上下各卡我軍豫爲設備賊不得逞遂於初三日仍退往官埠橋盤踞我軍卽將附近賊壘概行鎗平惟官埠橋距樅陽僅二十餘里難保不復來窺伺仍督飭各軍認真堵禦以免疏虞報聞○壬戌以捐輸軍餉示廣